

ШАРТНОМА № 125**Фельдъегерлик хизмати кўрсатиш ҳақида**2022 й. «28» январь _____

Тошкент шаҳри

Ўзбекистон Республикаси Ахборот технологиялари ва коммуникацияларини ривожлантириш вазирлиги Давлат фельдъегерлик хизмати (кейинги ўринларда «Бажарувчи» деб аталади) номидан хизмат бошлиғи О.К.Садиқов Низом асосида иш юритувчи бир томондан ва Ўзбекистон Республикаси Президенти Администрацияси (кейинги ўринларда «Буюртмачи» деб аталади) номидан Молия хўжалик департаменти шўъба мудирини М.Р.Хужаниязов фармойиш асосида иш юритувчи иккинчи томондан ушбу шартномани қуйидагилар тўғрисида туздилар:

1. Шартнома мавзуси

1.1. «Буюртмачи»нинг жўнатмаларини Ўзбекистон Республикаси вилоят марказларигача ва Тошкент шаҳри бўйича қабул қилиш ва етказиб бериш ҳамда «Бажарувчи»нинг тасдиқланган жадвали бўйича Москва шаҳри (Россия) орқали МДХ мамлакатлари вилоят марказларигача етказиб берилишини таъминлаш шартнома мавзуси ҳисобланади.

1.2. «Буюртмачи»нинг жўнатмаларни ҳар куни (байрам ва дам олиш кунларидан ташқари) «Буюртмачи» билан келишилган жадвал асосида «Буюртмачи» биносида қабул қилиш ва етказиб бериш учун «Бажарувчи» томонидан «Буюртмачи»га саккизта муҳим топшириқлар бўйича фельдалоқа катта офицери бириктирилади.

2. Етказиб бериш шартлари

2.1. «Бажарувчи» Ўзбекистон Республикасининг вилоят марказларигача жўнатмаларни «Буюртмачи» томонидан кўрсатилган манзил бўйича қўлдан қўлга етказиб беради. Агар жўнатмаларни олувчи вилоят марказидан қуйида жойлашган бўлса, жўнатмалар махсус алоқа тармоғи орқали берилади.

2.2. Тошкент шаҳрида «Буюртмачи»дан жўнатмаларни қабул қилиш ва маҳаллий ташкилотларга етказиб бериш учун автотранспорт «Буюртмачи» томонидан тақдим этилади.

2.3. Зарурат бўлганда «Буюртмачи» «Бажарувчи» билан келишув бўйича жўнатмаларни йўналиш доирасидан ташқари – фельдъегерлар орқали (қўлдан-қўлга топшириш усулида) юбориши мумкин. Бунда «Буюртмачи» барча қўшимча харажатларни тарифга мувофиқ тўлайди.

2.4. «Бажарувчи» жисмоний шахсларга йўналтирилган жўнатмаларни қабул қилмайди.

3. Шартнома суммаси ва уни тўлаш тартиби

3.1. Шартноманинг умумий суммаси 6 000 000 (олти миллион) сўмни ташкил этади.

3.2. Хизматлар учун ҳақ тўлаш шартнома суммасининг 30 фоизи миқдоридаги олдиндан тўловни тўлаб нақд бўлмаган ҳисоб-китоб орқали амалга оширилади. Кейинги тўлов жорий ойнинг тақдим этилган ҳисоб-китоблар, тўлов топшириқлари ва бошқа ҳисоб-китоб ҳужжатлари асосида 10-санасигача амалга оширилади. ҚҚС ҳисобланмайди.

4. «Бажарувчи»нинг ҳуқуқ ва мажбуриятлари

4.1. «Бажарувчи» жўнатмаларни қабул қилиб олинган пайтдан улар олувчига топширилган пайтгача жўнатмаларнинг сақланишини таъминлаш юзасидан барча зарур чораларни кўриш мажбуриятини ўз зиммасига олади.

4.2. «Бажарувчи» «Буюртмачи»нинг жўнатмаларини, олувчилар жойида бўлган, манзилдан кўчиб кетмаган, олувчилар бозорлар, савдо комплекслар ёки турар жойларда (уйларда) жойлашмаган ҳолларда, Тошкент шаҳри ва Ўзбекистон Республикаси вилоят марказларигача 72 соат мобайнида етказиб бериш мажбуриятини ўз зиммасига олади, дам олиш ва байрам кунлари бундан мустасно.

4.3. Тарифлар ўзгарган тақдирда «Бажарувчи» «Буюртмачи»га янги тасдиқланган тарифларни ўз вақтида юбориш ва кўрсатилган хизматлар учун янги тарифларга биноан ҳисоб-китоб қилиш мажбуриятини ўз зиммасига олади.

4.4. «Бажарувчи» заруриятга кўра «Буюртмачи»дан «Бажарувчи» орқали юбориладиган, Ўзбекистон Республикаси Давлат божхона қўмитаси ёки тегишли органлар томонидан расмийлаштирилган мазкур жўнатмани олиб чиқишга рухсатнома талаб қилиш ҳуқуқига эгадир.

4.5. «Бажарувчи» етказиб бериладиган жўнатмаларни кўриқлаш тартибини, шунингдек юборилаётган жўнатмаларни турлари ва чекланган нормаларини ишлаб чиқиши ва белгилаши ҳамда ташишларни навбатма-навбатлигини белгилаш ҳуқуқига эгадир.

5. «Буюртмачи»нинг ҳуқуқ ва мажбуриятлари

5.1. «Бажарувчи» орқали жўнатилаётган махфий жўнатмалар Ўзбекистон Республикаси Вазирлар Маҳкамасининг 1994 йил 5 майдаги 239-33 сонли қарори билан тасдиқланган махфий иш юритиш бўйича Йўриқнома талаблари асосида тайёрланиши лозим.

5.2. «Буюртмачи» махфий бўлмаган пакетдаги жўнатмаларни халқаро почта стандартларига мувофиқ расмийлаштириши шарт (конвертнинг чап юқори бурчагида: жўнатувчининг номи, унинг манзили, шаҳар, республика; конвертнинг ўнг қуйи қисмида: олувчининг номи, унинг манзили, шаҳар, давлат, телефон), манзил кўрсаткичидан олдин «Қаердан» ва «Қаерга» («Кимга») сўзларини ёзиши керак.

5.3. «Буюртмачи» манзилга оид маълумотларни ва пакетлардаги бошқа ёзувларни принтерда босмаҳона усулида ёки сиёҳ ёки шарикли ручка билан аниқ ва тушунарли қилиб (сиёҳ, паста қора, кўк ёки бинафша рангда бўлиши керак) ёзиши шарт. Олувчининг манзили кискартирилмасдан ёзилиши зарур. Пакетли жўнатмалар МДХ Давлатларига 2 кг, Ўзбекистон Республикаси бўйича 5кг 11*15 см 15*25 см 25*35 см дан ошмаслиги лозим. Қоғозли юкли жўнатмаларни чекланган оғирлиги 10 кг. Бўлинмайдиган яхлит жўнатмалар 20 кг гача бўлиши керак. Қопли юкли жўнатмаларни чекланган оғирлиги 10 кг. Бўлинмайдиган яхлит жўнатмаларники 20-25кг гача бўлиши лозим.

5.4 Пакетнинг орқа томонига «Буюртмачи» конверт елимланган чизик бўйича барча копоқларда ўзининг муҳри билан муҳрлаши шарт.

5.5. Юридик манзиллар, банк реквизитлари, телефон рақамлари ўзгарган тақдирда томонлар бир-бирини ёзма равишда хабардор қилиш мажбуриятини ўз зиммаларига оладилар.

5.6. «Буюртмачи» «Бажарувчи» томонидан бириктирилган офицерларга ишлаш учун зарур жиҳозлар ва коммунал хизматлар (электр билан ёритиш жиҳози, телефон алоқаси) мавжуд бўлган, махфий жўнатмалар билан ишлаш талабларига жавоб берадиган хизмат хонаси ажратилишини, ҳамда ишда зарур бўладиган материаллар (портфель, тарози, канцелярия анжомлари) билан таъминлайди. Шуниндек «Буюртмачи»нинг жўнатмаларни Тошкент шаҳри бўйича етказиб бериш ва бошқа муҳим топшириқларни бажариш учун автотранспорт ажратиб беради.

5.7. «Буюртмачи» «Бажарувчи» орқали юбориладиган жўнатмаларнинг оғирлигини ўзи тортиб кўриш ва реестрларда шахсан қайд этиш ҳуқуқига эгадир.

5.8. «Буюртмачи» «Бажарувчи» томонидан жўнатмалар топширилганлиги тўғрисида маълумотнома сўраш ҳуқуқига эгадир.

6. Томонларнинг жавобгарлиги

6.1. Жўнатмалар ўз вақтида етказиб берилмаган ёки етказилмаган тақдирда ҳар бир кечиктирилган кун учун «Бажарувчи» «Буюртмачи»га ўз вақтида етказиб берилмаган жўнатмалар умумий суммасининг 0,5 фоизи миқдорида, бироқ ўз вақтида етказиб берилмаган жўнатмалар умумий суммасининг 50 фоизидан кўп бўлмаган миқдорда пеня тўлайди.

6.2. Юборилаётган жўнатмаларга «Бажарувчи»нинг айби билан зарар етказилган ёки йўқотилган тақдирда «Бажарувчи» қонун ҳужжатларида белгиланган тартибда жавобгар бўлади.

6.3. Хизматларга ўз вақтида ҳақ тўламаганлиги учун «Буюртмачи» «Бажарувчи»га кечиктирилган ҳар бир кун учун муддати ўтказиб юборилган тўловнинг 0,4 фоизи миқдорида, бироқ муддати ўтказиб юборилган тўловнинг 50 фоизидан ортиқ бўлмаган миқдорда пеня тўлайди.

7. Тақиқлар

7.1. Қуйидагилар тақиқланади:

мазкур Шартноманинг 5.1, 5.2, 5.3, 5.4-бандларида кўрсатилган талаблар бузилган ҳолда расмийлаштирилган жўнатмаларни жўнатиш;

«Бажарувчи» орқали контрабанда, радиоактив, заҳарловчи, портлаш хавфи бўлган, тез алангаланадиган ва Ўзбекистон Республикаси қонунчилигида тақиқланган бошқа моддалар ва буюмларни жўнатиш.

8. Форс-мажор

8.1. «Бажарувчи» форс-мажор ҳолатларда жўнатмалар йўқолганлиги, ўғирланганлиги ёки шикастланганлиги учун жавоб бермайди, айнан:

Сув тошқини, ёнғин, zilзила бўлганда ва бошқа табиий офатларда «Буюртмачи»нинг топшириғини бажариш вақтида;

Мазкур Шартноманинг 7-бўлимида кўрсатилган моддалар ва буюмлар «Бажарувчи» орқали жўнатилганда ёки контрабанда ва тақиқланган тижорат жўнатмалари ваколатли органлар томонидан ҳибсга олинганда ёки мусодара қилинганда;

Ноқулай метеорология шароитларида ва ҳаво кемасининг техник носозлигида.

8.2. Форс-мажор ҳолатларда «Бажарувчи» белгиланган тартибда «Буюртмачи»ни ёзма равишда хабардор қилади.

9. Низоларни ҳал этиш

9.1. Мазкур Шартнома бажарилиши билан боғлиқ барча низолар мумкин қадар томонларнинг музокаралар олиб бориш йўли билан ҳал этилиши керак.

9.2. Томонлар келишувга эришмаган тақдирда низоларни ҳал этиш Ўзбекистон Республикасининг амалдаги қонунчилигига мувофиқ суд тартибида амалга оширилади.

10. Шартноманинг амал қилиш муддати

10.1. Мазкур Шартнома 2022 йил 1 январдан 2022 йил 31 мартгача амал қилади.

Тарафлар ўртасида келгуси молиявий йил учун янги таҳрирдаги фельдъегерлик хизмати кўрсатиш ҳақидаги шартнома имзоланиб, ижрога киритилгунга қадар, ушбу шартнома муддати амалда бўлади.

10.2. Мазкур Шартномага киритилган ҳар қандай ўзгартириш ва қўшимчалар, агар улар ёзма шаклда расмийлаштирилган ва томонларнинг ҳар бири томонидан имзоланган бўлса, бажарилиши мажбурий ҳисобланади.

10.3. Мазкур Шартнома икки нусхада тузилди, уларнинг ҳар иккаласи бир хил юридик кучга эга.

Томонларнинг юридик манзиллари, банк реквизитлари ва телефонлари

«БАЖАРУВЧИ»

О'zbekiston Respublikasi Axborot texnologiyalari va kommunikatsiyalarini rivojlantirish vazirligi

Davlat feld'egerlik xizmati

Тошкент ш. Шайхонтоур туман

Қоратош кўча, 5

Тел. 245-08-60, 245-08-61

h/r 2020 3000 5001 3591 5004

Toshkent shahar Sanoat qurilish bankinging

Chilonzor bo'limi MFO 00427

INN 200 898 364, OKONX 52200.

Tel: (71) 245-14-48

«БУЮРТМАЧИ»

Ўзбекистон Республикаси Президенти
Администрацияси

100163 Тошкент ш., Мустақиллик майдони, 6

Тел: 71 239-54-72, 71 239-53-45

Л/с 1000 1086 0262 6670 1120 1015 001

Л/с 4001 1086 0262 6670 1120 1015 001

Марказий банк Бош бошқармаси ХККМ

ИНН: 200 637 561 ОКОНХ 97300

Молия вазирлиги Ғазначилиги
ягона х/р 2340 2000 3001 0000 1010

МФО: 00014 ИНН: 201 122 919

Хизмат бошлиғи

Шўъба мудир

Садиков О.К.

Хужаниязов М.Р.

2022 й. «

2022 й. «28»

январ

М.Ў.

М.Ў.



Юрмет
А. А. Ҳасанов
Директор